

TEZAU LITURGIC

25 IUNIE

**ACATISTUL
SF. CNEJI
PETRU-DAVID
ȘI
FEVRONIA-
EUFROSINA
DE LA MUROM**



MOSCOVA, 2000



Акафист

СВЯТЫМ БЛАГОВЕРНЫМ КНЯЗЮ

Петру и княгине Февронии,

Муромским чудотворцам

Кондак 1

Избрáннии чудотвóрцы и вели́цыи уго́дницы
Госпо́дни, гра́да Му́рома заступни́цы и присни́и
о душа́х на́ших моли́твенницы, свя́тии
благове́рнии кня́же Пётре и княги́не Февро́ние!
Пе́ние похва́льное ва́м принося́ще, мо́лим вы́
усе́рдно: я́ко иму́щии дерзнове́ние ко Го́споду,
предста́тельством ва́шим от вся́ких бе́д нас
свободи́те, и насле́дники Ца́рствия Небе́снаго
нас соде́лайте, да зове́м ва́м ра́достно:

Ра́дуйтесь, свя́тии и пресла́внии чудотвóрцы
Пётре и Февро́ние.

Икос 1

А́нгели земни́и и челове́цы небе́снии
вои́стинну яви́стесь, блаже́ннии Пётре и
Февро́ние, от ю́ности ва́шея чи́стую со́весть

имѹщи к Бѹгу, и дѹбре во благочестии и чистотѣ вкѹпе пожившии, нам же оставльшии в примѣр подражания житиѣ вѹше богоугѹдное, емѹже чюдѹщесѹ и чудесѹ вѹшими озарѹеми, зовѣм вам гласы хвалѣбными сице:

Радуйтеся, от юности вѹшея Христа возлюбившии и Тому от души порабѹтавшии;

радуйтеся, целомѹдрія хранители и душѣвныя и телесныя чистотѹ рачители.

Радуйтеся, души вѹша и телеса на земли в обиталище Дѹха Святаго уготѹвившии;

радуйтеся, исполненнии премѹдрости и разума божественнаго.

Радуйтеся, яко во плѹти, яко безплѹтни, вкѹпе поживте;

радуйтеся, яко равноангельную чѣсть достойно приясте.

Радуйтеся, яко от земли на Небо преидѹте и тамо со Ангелы Троице предстоите;

радуйтеся, яко со безплѹтными лики трисвятѹю пѣснь Ей воспеваѣте.

Радуйтеся, на Небеси и на земли от Господа прославленнии;

ра́дуйтеся, обрѣтшии вѣчное всесвѣтлое мѣсто упокоѣния.

Ра́дуйтеся, гра́да Му́рома сокровища пребогáтая;

ра́дуйтеся, исто́чницы неисто́щими чудѣс.

Ра́дуйтеся, свя́тии и пресла́внии чудотво́рцы Пѣ́тре и Февро́ние.

Конда́к 2

Ви́дев князь Пѣ́тр в возвра́тной болѣзни своѣй, зна́мение гнѣва Бо́жия, за неисполне́ние обе́та свое́го, по́йти в супру́ги себѣ премудру́ю Февро́нию, потща́ся сие́ испо́лнити и сочета́ся с не́ю бра́ком зако́нным. Оба́че и в супру́жестве целомудре́нно и богоуго́дно пожи́сте, блаже́ннии, иму́ще еди́ну мы́сль во двою́ телу, е́же благоугожда́ти Бо́гу; те́мже вы́ну поѣте Ему́ ны́не со А́нгелы пѣснь: Аллилу́иа.

И́кос 2

Ра́зумом богопросвеще́нным свы́ше ода́реннии, Пѣ́тре и Февро́ние свя́тии, любо́вь и милосѣ́рдие к бе́дным и си́рым яви́сте, оби́димым и безпомо́щным засту́пницы бы́сте, и ины́ми добродѣ́тельми мно́гими украси́сте

княжéние своё земноé. Сего ради вопиём к вам сице:

Рáдуйтесь, блажéннии и треблажéннии, в боголюбии пожíвшии и благовэрие сохрáншии;
рáдуйтесь, милости и сострадáния преиспóлненнии.

Рáдуйтесь, беспомóщных скóрии помóщницы;
рáдуйтесь, печáльных блази́и утэшители.

Рáдуйтесь, сирóт и вдовиц кормители;
рáдуйтесь, сущих в бедах предста́тели.

Рáдуйтесь, болéзней душевных и телесных иску́снии целители;

рáдуйтесь, скóрбных сердец радостотвóрнии посетители.

Рáдуйтесь, любовь ва́шу к Бо́гу, любвию к бли́жним своим показáвшии;

рáдуйтесь, княжéние ва́ше земноé праведно и богоу́годно содержáвшии.

Рáдуйтесь, князéй правосла́вных похвалó и гра́да Му́рома утверждéние;

рáдуйтесь, всея́ земли́ Росси́йския заступлéние.

Ра́дуйтеся, свя́тии и пресла́внии чудотво́рцы
Пе́тре и Фе́вроние.

Конда́к 3

Си́лою благода́ти Бо́жия укрепля́емь,
блаже́нне кня́же Пе́тре, восхоте́л еси́ па́че
оста́вити гра́д оте́чества твоего́ и княже́ние
Му́ромское, не́же бракоразвести́ся с премудро́ю
Фе́врониею по настоя́нию го́рдых боля́р твои́х.
Сего́ ра́ди Бо́г тя просла́ви и сотвори́, да те́миже
боля́ры возвра́щенный вку́пе с супру́жницею
твоёю, на престо́ле княже́ния Му́ромскаго па́ки
утверди́лся еси́, на́м же приме́р хране́ния зако́на
Бо́жия показу́еши по́двигом твои́м, да
подража́юще тебе́ в свя́тости хране́ния сою́за
бра́чнаго, воспева́ем подвигополо́жнику Христу́:
Аллилу́иа.

И́кос 3

Иму́ще попече́ние о лю́дех свои́х,
преблаже́ннии Пе́тре и Фе́вроние, неусы́пно
подвиза́стесь ко бла́гу их, благоче́стие насажда́я,
нече́стие искореня́я и вражду́ умиротворя́я.
Те́мже и Госпо́дь, ви́дя таковы́я по́двиги ва́ша,
зе́млю Му́ромскую плодоно́симею благослови́ и
ми́р глубо́к княже́нию ва́шему дарова́, подвиза́я

люди ва́ша благода́рственно воспева́ти ва́м
си́це:

Ра́дуйтесь, уго́дницы Бо́жии, жити́ю вели́ких
святы́х соприча́стницы; ра́дуйтесь, правите́лие
предо́брии, люди́ му́ромския ко спасе́нию
путево́дившии.

Ра́дуйтесь, христиа́нскаго благоче́стия
блюсти́тели;

ра́дуйтесь, нестро́ения, раздо́ров и всяка́го
нече́стия искорени́тели.

Ра́дуйтесь, супру́гов христиа́н ко
благоче́стному жити́ю наста́вницы;

ра́дуйтесь, целому́дрия и воздержа́ния
супру́жескаго о́брази преизя́щнии.

Ра́дуйтесь, пра́веднаго суда́ рачи́тели;

ра́дуйтесь, немздо́ймства и безкоры́стия
ревни́тели.

Ра́дуйтесь, святы́х царей́ Константина́ и
Елѣны́ добродѣтелей стяжа́тели;

ра́дуйтесь, равноапосто́льнаго кня́зя
Владими́ра и блаже́нныя княги́ни О́льги
достойни́и преѣмни́цы.

Ра́дуйтеся, дво́ице пречестна́я и благо́е сочетание, луча́ми чуде́с немерца́емо сия́ющие;
ра́дуйтеся, оте́чества ва́шего пресвѣтлии свети́льницы.

Ра́дуйтеся, святии и пресла́внии чудотво́рцы Пѣ́тре и Февро́ние.

Конда́к 4

Бу́ря скорбе́й и напа́стей, воздвига́емая зло́бою ми́ра сегó, не осла́би крѣпкия любве́ ва́шей я́же к Бо́гу, Пѣ́тре и Февро́ние блаже́ннии, но па́че научи́ вас благоиску́сно отража́ти разжже́нныя стрѣ́лы искуше́ний диа́вольских: вы́ бо обо́лкшеся в броню́ ве́ры Христо́вы, в ми́ре глубо́це преидо́сте многомяте́жную пучи́ну житейскаго мо́ря, и достиго́сте в ти́хую при́стань спасе́ния, к нейже и на́с моли́твами ва́шими приве́дите, да вку́пе с ва́ми поём Бо́гу: Аллилу́иа.

И́кос 4

Слы́шавше бли́жнии и да́льнии благоче́стное жити́е ва́ше, благове́рнии Пѣ́тре и Февро́ние, прославля́ху человеколю́бца Бо́га, дарова́вшаго ва́м крѣ́пость на вся́ дела́ благая́, ими́же я́ко луча́ми пресвѣ́тлыми, просия́сте в оте́честве

ва́шем, иде́же и доны́не имена́ ва́ша че́стны, и по́двиги ва́ша воспева́ются похва́лами си́ми:

Ра́дуйтесь, дво́ице пресве́тлая, Бо́гом совокупле́нная;

ра́дуйтесь, све́том благоче́стнаго жити́я ва́шего, я́ко свети́ла богосве́тлая, просия́вшии.

Ра́дуйтесь, ми́лостынею и моли́твами Небе́сное Ца́рствие стяжа́вшии;

ра́дуйтесь, смире́нием и поще́нием ве́чное блаже́нство уллучи́вшии.

Ра́дуйтесь, я́ко мзда́ ва́ша мно́га на Небесе́х е́сть;

ра́дуйтесь, я́ко ра́дость ва́ша ве́чна во све́лостех святы́х.

Ра́дуйтесь, раби́ Христо́вы возлю́бленнии;

ра́дуйтесь, святы́х все́х при́снии дру́зи.

Ра́дуйтесь, зве́зды́ непреле́стнии, пу́ть супру́жескаго жити́я богоуго́днаго ве́рно указу́ющии;

ра́дуйтесь, о́блацы росно́снии, зно́й страсте́й и нече́стия прогоня́ющии.

Ра́дуйтесь, Бо́жих ми́лостей и щедро́т на́м пода́тели;

ра́дуйтеся, оте́чества ва́шего украше́ние неотъе́млемое.

Ра́дуйтеся, свя́тии и пресла́внии чудотво́рцы Пе́тре и Фе́вроние.

Конда́к 5

Богосвеще́ннии свети́льницы благоче́стия и предив́нии чудотво́рцы Пе́тре и Фе́вроние, Бо́га от всея́ души́ возлюбивше, вся́ за́поведи Его́ сохрани́те; те́мже и Христо́с, я́ко со́лнце и лу́ну пресвѣ́тлыя, показа́ вас, преблаже́ннии, чуде́с мно́гих заре́ю озаря́ющия о́бласть Му́ромскую и всю́ страну́ Росси́йскую, просла́вив нетле́нием святы́я и многоцеле́бныя мо́щи ва́ша, к ни́мже припа́дающе, по досто́янию ублажа́ем вас и вы́ну благода́рственно поём див́ному во святы́х Свои́х Бо́гу: Аллилу́иа.

И́кос 5

Ви́девше жити́е ва́ше пра́ведное и щедро́ты ва́ша, лю́дие му́ромстии сла́вляху вас, свои́х правите́лей ми́лостивых, благове́рнии Пе́тре и Фе́вроние, вы́ же смире́ние и́стинное возлюбивше и похва́лы челове́ческия небре́гше, горды́нею неуязвлени пребы́сте, и те́м показа́сте

Ра́дуйтеся, в недúзех стра́ждущих
благодáтнии вра́чеве;

ра́дуйтеся, мѣлостивии страны́ Му́ромския
покровѣтелие.

Ра́дуйтеся, святѣи и пресла́внии чудотво́рцы
Пе́тре и Феврѣоніе.

Конда́к 6

Проповѣдницы вѣры правосла́вныя и
ревни́тели благоче́стия не сло́вом то́кмо, но всѣм
жити́ем своимъ бы́сте во гра́де Му́роме,
прехва́льнии Пе́тре и Феврѣоніе; те́мже и свѣта́я
Цѣрковь досто́йне почита́ет по́двиги и труды́
ва́ша, и́миже трудѣ́тесь во сла́ву Бо́га
Вы́шняго, немѣлчно воспева́я Ему́: Аллилу́иа.

И́кос 6

Воссия́сте во гра́де Му́роме свѣтомъ
добродѣ́тельнаго жити́я ва́шего, я́ко звѣзды
богосвѣ́тлыя, преблаже́ннии Пе́тре и Феврѣоніе, и
па́мьть ва́ша в не́м с похва́лами до днѣсь, я́ко и
по смѣрти своѣ́й не преста́ете озаря́ти насъ,
мно́гая чудеса́ соверша́юще, и те́ми свѣтлую
зарю́ безсмѣ́ртія намъ от мо́щей ва́ших
возсия́вающе, да ублажа́ем васъ благохва́лениями
сицевы́ми:

Ра́дуйтеся, чи́на и уста́вов святы́я Це́ркве
ве́рнии храните́ли;

ра́дуйтеся, служи́телей олтаря́ Го́сподня
благогове́йнии почита́тели.

Ра́дуйтеся, благи́х обы́чаев и преда́ний
святооте́ческих ревни́тели;

ра́дуйтеся, обы́чаев злы́х и суемудри́х
язы́ческих искорени́тели.

Ра́дуйтеся, суды́ нелицеприятны́ лю́дем
ва́шим творивши́и;

ра́дуйтеся, суды́ ва́ша с ми́лостию
соединивши́и.

Ра́дуйтеся, крото́цыи и незло́биви́и
последова́тели Христо́вы;

ра́дуйтеся, зло́бу добро́м препобежда́вшии.

Ра́дуйтеся, нетле́ния благоуха́ющии цвёти;

ра́дуйтеся, безсме́ртия немерца́ющии лучи́.

Ра́дуйтеся, на землі́ вели́чием чуде́с
блиста́ющии;

ра́дуйтеся, на Небеси́ со А́нгелы́ Бо́га
сла́влящи́и.

Ра́дуйтеся, святы́и и пресла́внии чудотво́рцы
Пе́тре и Февроне́и.

Кондак 7

Хотяй человеколюбец Господь явити в житии вашем, Петре и Февроние, образ назидания не токмо людем мирским, но и ликом иноческим, внуши вам в старости маститей оставити славу княжения земнаго, и воспрियाи образ иноческий, в немже подвижаетесь добре постом, бдением и молитвою, воспевающе непрестанно Троидиному Богу ангельскую песнь: Аллилуиа.

Икос 7

Новую благодать Божию во иночестем пострижении приемше, преподобнии, новыми подвигами украсите равноангельное житие ваше и тако сугуб плод совершенства духовнаго Христу принесете, и мзду преподобных достойне от Него восприяете. Поминая убо такую ревность вашу к подвигом духовным, прославляем вас сими достождными похвалами:

Радуйтеся, яко любве ради Господа, мира сего княжение и славу остависте;

радуйтеся, яко иноческое равноангельное житие усердно восприяете.

Радуйтеся, совершеннаго терпения подвижницы;

ра́дуйтеся, во́льныя нищеты́ блаже́ннии
стяжа́тели.

Ра́дуйтеся, пре́жде кончи́ны ва́шей вся́
стра́сти умертви́вшии воздержáнием;

ра́дуйтеся, восприя́вшии святу́ю схиму́ в
брони́ю спасе́ния.

Ра́дуйтеся, багряни́цу княже́скую на
власяни́цу ино́ческую пременíвшии;

ра́дуйтеся, постóм, бде́нием и непреста́нными
моли́твами Бо́гу до́бре угоди́вшии.

Ра́дуйтеся, боголюбе́знаго уедине́ния
взыска́тели;

ра́дуйтеся, спаси́тельнаго безмо́лвия
люби́тели.

Ра́дуйтеся, слезáми моли́твенными
ороше́ннии;

ра́дуйтеся, в со́нме преподо́бных на Небеси́
просла́влении.

Ра́дуйтеся, свя́тии и пресла́внии чудотво́рцы
Пе́тре и Февро́ние.

Конда́к 8

Стра́нное и дивное́ бе́ чудо, егда́ ты́,
блаже́нне Пе́тре, на кончи́не живота́ твоего́,

проше́ния ра́ди супру́жницы твоея́, святы́я Фе́врони́и, исхо́дом своим уме́длил еси́, до́ндеже сконча́ она́ пелену́ церко́вную, е́ю сшива́ему и вку́пе с тобо́ю к исхо́ду сме́ртному приспе́, и та́ко неразлу́чнии в жити́и, неразлу́чнии и в кончи́не яви́стеся, и во еди́н де́нь и ча́с святы́я ду́ши своя́ в ру́це Бо́жии преда́сте, зову́ще при́сно живы́ми и ме́ртвыми облада́ющему Влады́це Бо́гу: Аллилу́иа.

И́кос 8

Вси́ чуда́хуся и сла́вляху дивна́го во святы́х Свои́х Бо́га, егда́ святая́ ва́ша телеса́, в ра́зных гробёх положённая, чуде́сно обрето́шася лежа́ща в о́бщей гробни́це, ю́же угото́васте себе́, преподо́бнии, в собо́рней це́ркви гра́да Му́рома, иде́же и до́ныне неразлу́чно почива́ете, чудотво́рцы святи́и, неоску́дная источа́юще исцеле́ния все́м, с ве́рою прибега́ющим к ва́м и зову́щим:

Ра́дуйтеся, союз́ любве́ ва́шей до гроба́ и за гробом ве́рно сохра́ншии;

ра́дуйтеся, не то́кмо в жи́зни, но и по сме́рти, о Го́споде соединённии.

Ра́дуйтеся, в супру́жестем благоче́стнем
жити́и ва́м подража́ющим крѣпцыи
помощни́цы;

ра́дуйтеся, тепло́ю любве́ ва́шея и на́с
согрева́ющими.

Ра́дуйтеся, сме́ртию вре́менною прешѣ́дшии к
жи́зни ве́чной;

ра́дуйтеся, от Го́спода нетле́нием и чуде́сы
просла́вленнии.

Ра́дуйтеся, я́ко па́мять ва́ша с похва́лами и
успе́ние со свята́ми;

ра́дуйтеся, я́ко имена́ ва́ша че́стна су́ть и
благослове́нна в оте́честве ва́шем.

Ра́дуйтеся, Росси́йския страны́ удобре́ние
благода́тное;

ра́дуйтеся, гра́да Му́рома огражде́ние
несокруши́мое.

Ра́дуйтеся, о любя́щих и чту́щих ва́с небѣ́снии
предста́тели;

ра́дуйтеся, приснопрося́ции на́м у Го́спода
да́ры бла́гости Его́.

Ра́дуйтеся, святи́и и пресла́внии чудотво́рцы
Пе́тре и Февро́ние.

Кондак 9

Вси́ А́нгели и святы́х ли́ки ра́довахуся
ра́достью ве́лию, егда́ святы́я ду́ши ва́ша
достиго́ша ве́чнаго в оби́телех ра́йских селе́ния,
и Са́м Творе́ц А́нгелов и Святе́йший святы́х Ца́рь
Сла́вы Христо́с, безсме́ртна венцы́ увенча́ вас и
дарова́ вам благода́ть моли́тися Ему́ со
дерзнове́нием мно́гим о все́х и́щущих ва́шего
заступле́ния, е́гоже не лишите́ и на́с грешных,
Пе́тре и Фе́вроние́ достохва́льнии,
смиреному́дренно́ воспева́ющих
просла́вльшему́ вас Бо́гу хвале́бную пе́снь:
Аллилу́иа.

Икос 9

Ветийство́ челове́ческое не довле́ет к
достойному́ прославлению́ жития́ ва́шего,
святии́ чудотво́рцы Пе́тре и Фе́вроние; кто́ бо
испове́сть вся́ моления́ и поще́ния, боле́зни и
труды́ ва́ша? кто́ изочте́т вся́ слезы́ и
воздыха́ния ва́ша я́же к Бо́гу? Оба́че мы́
любо́вию к вам подви́заеми, дерза́ем воспева́ти
вам сия́ ма́лыя и нехитро́стныя похва́лы:

Ра́дуйтеся, благода́ти Свята́го Ду́ха
избра́ннии сосуди́;

ра́дуйтеся, ра́дости на́м ве́чныя
благоприя́тнии хода́таи.

Ра́дуйтеся, богобо́язненных супру́гов в
благоче́стии утвержде́ние;

ра́дуйтеся, наруши́телей супру́жескаго
целому́дрия и согла́сия гро́зное обличе́ние.

Ра́дуйтеся, гне́в Бо́жий, пра́ведно дви́жимый
на на́с, моли́твами ва́шими утоля́ющи;

ра́дуйтеся, о ми́ре всего́ ми́ра непреста́нно
Го́спода умоля́ющи.

Ра́дуйтеся, на враги́ ви́димыя и неви́димыя
кре́пцыи на́м спобо́рницы;

ра́дуйтеся, ангелонра́внии челове́цы.

Ра́дуйтеся, преподо́бных и пра́ведных
сонасле́дницы;

ра́дуйтеся, Пресвяты́я Тро́ицы ве́рнии
уго́дницы.

Ра́дуйтеся, блаже́ннии обита́тели го́рняго
гра́да Иерусали́ма Небе́снаго;

ра́дуйтеся, со святы́ми торже́ствующи в
ски́ниях райских.

Ра́дуйтеся, святы́и и пресла́внии чудотво́рцы
Пе́тре и Февро́ние.

Кондак 10

Спасение вечное унаследовавшие
богоблаженнии Пётре и Февроние, душами
вашими в обителях горних неразлучно в Бозе
пробываете, святыми же мощами вашими в
храме Божиим нетленно вкупе почиваете, и
обильная исцеления источаете, да чудесы
вашими благодатно озаряеми, хвалебно взываем
Верховному Творцу чудес Богу: Аллилуиа.

Икос 10

Стену заступления, благоприятныя молитвы
ваша к Богу, обретше, святии чудотворцы Пётре
и Февроние, благодарение Отцу Небесному
усердно возсылаем за вся благодеяния Его, вами
всем нам обильно являемая, вам же,
предстателем нашим, сиевое приносим пение:

Радуйтесь, всесветлаго Царствия Христова
наследницы;

радуйтесь, ангельских ликов собеседницы.

Радуйтесь, Бога во славе неприступней
созерцающие;

радуйтесь, Трисияннаго Божества тайнницы.

Радуйтесь, со святыми на Небеси вечно
царствующии;

ра́дуйтеся, от го́рних высóт к земно́родным
ми́лостивно приника́ющие.

Ра́дуйтеся, крѣни благоухáннии небѣснаго
прозябѣния;

ра́дуйтеся, кипарѣси чудотóчнии ра́я
Иисúсова.

Ра́дуйтеся, подáтели незавѣстнии безмѣднаго
врачевáния;

ра́дуйтеся, совершѣтели достохвáльнии
мно́гих чудѣс.

Ра́дуйтеся, благоде́яний мно́жество на́м
источа́ющие;

ра́дуйтеся, ми́лостью сострадáния ва́шего
всѣх объѣмлю́щие.

Ра́дуйтеся, святи́и и преслáвнии чудотво́рцы
Пѣтре и Февро́ние.

Конда́к 11

Пѣние моле́бное прино́сим ва́м, уго́дницы
Бо́жии Пѣтре и Февро́ние, и с любóвию
припада́ем к ра́це святѣх и многоцеле́бных
моще́й ва́ших, прославля́я жити́е ва́ше
богоуго́дное и по́двиги мно́ги. Мо́лимся ва́м
усѣрдно, чудотво́рцы святи́и, помозѣте на́м

подража́ти ва́шим добродéтелем, да возмо́жем богоу́годно пéти Созда́телю на́шему: Аллилу́иа.

И́кос 11

Свéта небéснаго испо́лнен бé собóрный хра́м гра́да Му́рома, егда́ благово́лением Бо́жиим святы́я мо́щи ва́ша Пётре и Февро́ние, це́лы и благоуха́нны обрето́шася в нём, и из не́др земных, я́ко сокрови́ще драгоценное, изнесéны бы́ша, иде́же и до ны́не почи́вают, исцелéния неоску́дная источа́юще недужным и боля́щим. Сего́ ра́ди пéсенно вопи́ем ва́м:

Ра́дуйтесь, зláто нетлénное, в не́драх земных обрётенное;

ра́дуйтесь, бисери сия́ющи и благодáтно просвеща́ющи челове́ков.

Ра́дуйтесь, святы́я Правосла́вныя Цéркве похва́ло;

ра́дуйтесь, ересей и раско́лов обличéние.

Ра́дуйтесь, свéти умнии, зарéю Свята́го Ду́ха облиста́ющи;

ра́дуйтесь, ми́ра благоуха́ния Христо́ва преиспо́лненнии.

Ра́дуйтесь, облечéннии в ризу́ благодáтного нетлéния;

ра́дуйтеся, препоя́санныи си́лою мно́гих чудес.

Ра́дуйтеся, я́ко ра́ка ва́ша честна́я враче́бница яви́ся неду́гом челове́ческим;

ра́дуйтеся, я́ко от не́я вся́к с ве́рою приходя́й да́ры целе́бныя прие́млет.

Ра́дуйтеся, све́тлостию чудес ва́ших мра́к ду́ш на́ших оза́ряющи;

ра́дуйтеся, нетле́нием святы́х моще́й ва́ших зарю́ обща́го все́х воскресе́ния на́м показу́ющи.

Ра́дуйтеся, свя́тии и пресла́внии чудотво́рцы Пе́тре и Фе́вроние.

Конда́к 12

Благода́ть свы́ше ва́м дарова́нную, позна́вше, свя́тии чудотво́рцы Пе́тре и Фе́вроние, с благоговéнием и любóвию покланя́емся нетле́нным и многоцеле́бным моще́м ва́шим и от ни́х прие́млем в неду́зех исцеле́ние, в ско́рбех утеше́ние, в беда́х благода́тную по́мощь: те́мже и прославля́ем ва́с по досто́янию, небе́сных предста́телей и засту́пников на́ших, воспева́юще хвалы́ и благодарéния ва́ми благотворя́щему на́м Влады́це Бо́гу: Аллилу́иа.

И́кос 12

Пою́ще мно́гая и пресла́вная ва́ша чуде́са,
вели́цыи уго́дницы Бо́жии Пе́тре и Фе́вроние,
ублажа́ем ва́с, я́ко целите́лей, уте́шителей и
помощников от Го́спода на́м дарова́нных, и
молитвенно торжеству́ем святу́ю па́мять ва́шу,
от любви́ серде́чныя воспева́юще ва́м
благодарственно и хвале́бно:

Ра́дуйтесь, во благоуха́нии святы́ни нетле́нно
почива́ющие;

ра́дуйтесь, с ве́рою приходя́щих к ра́це
моще́й ва́ших благода́тно освяща́ющие.

Ра́дуйтесь, призыва́ющих молитвенно
честна́я имена́ ва́ша ско́рии услы́шатели;

ра́дуйтесь, упова́ние на ва́с по Бо́зе
возлага́ющих дивнии помощницы.

Ра́дуйтесь, изве́стнии умило́стивители Царя́
Небе́снаго;

ра́дуйтесь, си́льнии защи́тницы на́ши от
врагов невидимых.

Ра́дуйтесь, приснии все́м ходатаи спасе́ния;

ра́дуйтесь, неотсту́пнии хранители гра́да
Му́рома.

Ра́дуйтеся, князе́й росси́йских пречу́дная
добро́то;

ра́дуйтеся, оте́чества ва́шего Бо́гом
дарова́ннии покрови́тели.

Ра́дуйтеся, телес на́ших благода́тнии
целёбницы;

ра́дуйтеся, о душа́х на́ших усер́днии ко
Го́споду моли́твенницы.

Ра́дуйтеся, свя́тии и пресла́внии чудотво́рцы
Пе́тре и Февро́ние.

Конда́к 13

О свя́тии и пресла́внии чудотво́рцы,
благове́рнии кня́же Пе́тре и княги́не Февро́ние!
Приимите ми́лостивно си́е похва́льное пе́ние от
на́с недосто́йных во умиле́нии ва́м приноси́мое,
и ва́шим предста́тельством у Го́спода испросите
на́м утвержде́ние в ве́ре и до́брых де́лах, и
избавле́ние от все́х скорбе́й и болезне́й
вре́менных и ве́чных, да сподо́бимся вку́пе с
ва́ми и все́ми святы́ми во Ца́рствии Небе́снем
пе́ти Пресвяте́й Трои́це ве́чно хвале́бную пе́снь:
Аллилу́иа.

*Этот конда́к чита́ется три́жды, зате́м и́кос
1-й и конда́к 1-й.*

Моли́тва пе́рвая

О вели́цыи уго́дницы Бо́жии и предивнии чудотво́рцы благове́рнии кня́же Пе́тре и княги́не Февро́ние, гра́да Му́рома предста́тели и храните́ли, и о все́х нас усер́днии ко Го́споду моли́твенницы! К ва́м прибега́ем и ва́м мо́лимся с упова́нием крѣпким: прине́сите за нас грѣшных святы́я моли́твы ва́ша ко Го́споду Бо́гу и испроси́те на́м у бла́гости Его́ вся́ благопотре́бная ду́шам и телесе́м на́шим: ве́ру пра́ву, наде́жду бла́гу, лю́бовь нелицеме́рну, благоче́стие непоколеби́мое, в до́брых де́лах преуспе́яние, ми́ра умире́ние, земли́ плодоно́сие, возду́ха благорастворе́ние, ду́шам и телесе́м здра́вие и ве́чное спасе́ние. Исходата́йствуйте у Царя́ Небе́снаго: ве́рных рабо́в Его́, в ско́рби и печа́ли де́нь и но́щь вопи́ющих к Нему́, многоболе́зный во́плъ да услы́шит и да изведе́т от поги́бели живо́т на́ш. Испроси́те Це́ркви святей и все́й держа́ве Росси́стей ми́р, ти́шину и благоустро́ение, и все́м на́м житие́ благополу́чное и до́брую христиа́нскую кончи́ну. Оградите́ оте́чество ва́ше, гра́д Му́ром, и вся́ гра́ды Росси́ския от вся́каго зла́ и вся́ правове́рныя лю́ди, к ва́м приходи́ющия и мо́щем покланя́ющияся, осените́ благода́тным де́йством

благоприятных молитв ваших, и вся прошения их во благо исполните. Ей, чудотворцы святии! Не презрите молитв наших, со умилением вам возносимых, но будьте о нас приснии предстатели ко Господу и сподобите нас помощью вашею святою спасение вечное получитьи и Царствие Небесное унаследовати; да славословим неизреченное человеколюбие Отца, и Сына, и Святаго Духа, в Троице покланяемаго Бога, во веки веков. Аминь.

Молитва вторая

О угодницы Божии, благовернии княже Пётре и княгине Февроние, к вам прибегаем и к вам со упованием крепким молимся: вознесите о нас, грешных (имена), святыя молитвы ваши ко Господу Богу и испросите у благодости Его вся благопотребная душам и телесем нашим: веру праву, надежду благу, любовь нелицемерну, благочестие непоколебимо, в добрых делах преуспяние. И ходатайствуйте нам у Царя Небеснаго житие благополучное и добрую христианскую кончину. Ей, чудотворцы святии! Не презрите молитв наших, но будьте о нас приснии предстатели ко Господу, и сподобите нас помощью вашею спасение вечное получитьи и Царствие Небесное унаследовати, да

славослѡвим неизречѣнное человеколѡбие Отца
и Сына и Святаго Духа, в Троице покланяемаго
Бога во веки веков.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**